



Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04/2-02-8634/26
Sarajevo, 13.03.2026. godine

SVIM MINISTARSTVIMA KANTONA SARAJEVO

PREDMET: POZIV NA KONSULTACIJE - OBAVJEŠTENJE

Ministarstvo pravde i uprave Kantona Sarajevo je pripremio i na svojoj web stranici objavilo nacrt Uredbe o određivanju visine plaća i naknada organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo.

Pozivamo vas da uzmete učešće u konsultacijama, odnosno da svoje primjedbe, prijedloge, sugestije i mišljenja na tekst nacrtu Uredbe **dostavite u roku od 15 dana, a najkasnije do 01.04.2026. godine**, Ministarstvu pravde i uprave Kantona Sarajevo na adresu Reisa Džemaludina Čauševića broj 1, Sarajevo ili na e-mail adresu: irma.sejtanic@mpu.ks.gov.ba ili edina.karasalihovic@mpu.ks.gov.ba.

Materijal možete preuzeti na web stranici Ministarstva pravde i uprave Kantona Sarajevo: <http://mpu.ks.gov.ba>.

S poštovanjem,

Dostaviti:

1. Naslovu;
2. Web stranica Ministarstva;
3. a/a.



UREDBA
O ODREĐIVANJU VISINE PLAĆA I NAKNADA ORGANA UPRAVLJANJA I
DRUGIH ORGANA INSTITUCIJA KANTONA SARAJEVO, KANTONALNIH
JAVNIH PREDUZEĆA I JAVNIH USTANOVA ČIJI JE OSNIVAČ KANTON
SARAJEVO
(NACRT)

Mart, 2026. godine

Na osnovu člana 19. stav (2) Zakona o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“, broj 10/16) i člana 26. i 28. stav 1. Zakona o Vladi Kantona Sarajevo („Službene novine Kantona Sarajevo“, broj 36/14 - Novi prečišćeni tekst i 37/14 - Ispravka), Vlada Kantona Sarajevo, na ___ sjednici održanoj ___ 2026. godine, donosi

NACRT

UREDBU
O ODREĐIVANJU VISINE PLAĆA I NAKNADA ORGANA UPRAVLJANJA I
DRUGIH ORGANA INSTITUCIJA KANTONA SARAJEVO, KANTONALNIH
JAVNIH PREDUZEĆA I JAVNIH USTANOVA ČIJI JE OSNIVAČ KANTON
SARAJEVO

POGLAVLJE I – OPĆE ODREDBE

Član 1.

(Predmet Uredbe)

Ovom uredbom se uređuju kriteriji na osnovu kojih će se institucije Kantona Sarajevo, kantonalna javna preduzeća i javne ustanove čiji je osnivač Kanton Sarajevo, utvrđene u čl. 2., 3. i 4. Zakona o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“, broj 10/16) (u daljem tekstu: Zakon), razvrstati u platne razrede kojima će biti određena visina osnovne mjesečne neto plaće (u daljem tekstu: plaća) i naknada u organima upravljanja i drugim organima institucija, kantonalnih javnih preduzeća i javnih ustanova (u daljem tekstu: organi upravljanja).

Član 2.

(Kriteriji za određivanje platnih razreda)

(1) Kriteriji za određivanje platnih razreda plaća i naknada za organe upravljanja su:

a) za organe upravljanja iz nadležnosti Ministarstva pravde i uprave, Ministarstva zdravstva, Ministarstva komunalne privrede, infrastrukture, prostornog uređenja, građenja i zaštite okoliša - oblast komunalne privrede i infrastrukture, Ministarstva saobraćaja, Ministarstva privrede, Ministarstva kulture i sporta i Ministarstva za boračka pitanja:

1) broj stalno zaposlenih u instituciji Kantona Sarajevo, kantonalnom javnom preduzeću i javnoj ustanovi čiji je osnivač Kanton Sarajevo,

2) godišnji ukupan prihod.

b) Za organe upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša - oblast prostornog uređenja, građenja i zaštite okoliša):

1) način finansiranja (samostalno finansiranje, djelimično finansiranje iz Budžeta Kantona Sarajevo, potpuno finansiranje iz Budžeta Kantona Sarajevo),

2) finansijsko poslovanje u posljednjih pet godina (pozitivno, negativno i pozitivno, negativno).

3) način poslovanja (pod tržišnim uslovima ili povlašten položaj),

c) za organe upravljanja iz nadležnosti Ministarstva za rad, socijalnu politiku raseljena lica i izbjeglice:

1) način finansiranja (potpuno finansiranje ili sufinansiranje iz Budžeta Kantona Sarajevo ili samostalno finansiranje),

2) broj stalno zaposlenih u instituciji Kantona Sarajevo, kantonalnom javnom preduzeću i javnoj ustanovi čiji je osnivač Kanton Sarajevo,

3) godišnji ukupan prihod.

d) Za organe upravljanja iz nadležnosti Ministarstva za odgoj i obrazovanje:

1) broj stalno zaposlenih u javnoj ustanovi čiji je osnivač Kanton Sarajevo (predškolskog, osnovnog i srednjeg obrazovanja),

2) godišnji ukupan prihod,

e) Za organe upravljanja iz nadležnosti Ministarstva za nauku, visoko obrazovanje i mlade:

1) obim poslova i odgovornost za obavljanje dužnosti rektora Univerziteta u Sarajevu i dekana/direktora članica Univerziteta u Sarajevu.

(2) Plaća utvrđena prema odredbama ove uredbe ne može biti veća od maksimalno utvrđene plaće u Zakonu.

POGLAVLJE II - PLATNI RAZREDI, PROSJEČNI KOEFICIJENT I VISINA PLAĆE I NAKNADE

Odjeljak A. - Platni razredi za određivanje plaća i naknada organa upravljanja iz nadležnosti Ministarstva pravde i uprave

Član 3.

(Platni razredi za određivanje plaće organa upravljanja iz nadležnosti Ministarstva pravde i uprave)

Platni razredi prema kriterijima iz člana 2. stav (1) tačka a) podtač. 1) i 2) ove uredbe za organe upravljanja iz nadležnosti Ministarstva pravde i uprave, razvrstavaju se na sljedeći način:

Platni razredi	Broj stalno zaposlenih	Koeficijent broja stalno zaposlenih	Godišnji ukupan prihod	Koeficijent godišnjeg ukupnog prihoda	Prosječan koeficijent
I	201 i više	1	30.000.000 i više	1	Prosječan koeficijent= (Kof. stalno zaposlenih + Kof. ukupnog god. prihoda)/2
II	151-200	0,90	10.000.001-30.000.000	0,97	
III	101-150	0,85	5.000.001-10.000.000	0,95	
IV	50-100	0,80	Do 5.000.000	0,90	

Član 4.

(Prosječni koeficijent i visina plaće za organe upravljanja iz nadležnosti Ministarstva pravde i uprave)

(1) Prosječni koeficijent iz člana 3. ove uredbe se određuje tako što se koeficijent broja stalno zaposlenih sabira sa koeficijentom godišnjeg ukupnog prihoda i dobiveni broj se dijeli sa brojem dva.

(2) Visina plaće za direktora iz nadležnosti Ministarstva pravde i uprave se određuje na način da se prosječni koeficijent, utvrđen na način propisan u stavu (1) ovog člana, množi sa iznosom u visini tri prosječne neto plaće isplaćene u Federaciji Bosne i Hercegovine prema posljednjem objavljenom podatku Federalnog zavoda za statistiku.

(3) Iznos koji se dobije na način propisan u stavu (2) ovog člana predstavlja visinu plaće direktora.

Član 5.

(Naknade organima upravljanja iz nadležnosti Ministarstva pravde i uprave)

(1) Punomoćniku/punomoćnicima ovlaštenim od strane Vlade Kantona Sarajevo (u daljem tekstu: Vlada), u skladu sa Odlukom o vršenju ovlaštenja u privrednim društvima sa učešćem državnog kapitala iz nadležnosti Kantona Sarajevo („Službene novine Kantona Sarajevo“, broj 31/19) (u daljem tekstu: punomoćnik/punomoćnici ovlašteni od strane Vlade), predsjedniku i članovima upravnog odbora, nadzornog odbora i drugih organa naknade mogu iznositi:

- a) punomoćniku/punomoćnicima ovlaštenim od strane Vlade, 15% od utvrđene plaće prema čl. 3. i 4. ove uredbe, za člana uprave kantonalnog javnog preduzeća, odnosno direktora,
- b) predsjedniku upravnog i nadzornog odbora i drugih organa, 15% od utvrđene plaće prema čl. 3. i 4. ove uredbe, za člana uprave kantonalnog javnog preduzeća odnosno direktora,
- c) članovima upravnog, nadzornog i drugih organa, naknada se umanjuje za 25% u odnosu na predsjednike tih organa.

(2) Naknade iz stava (1) ovog člana ne mogu biti veće od maksimalno utvrđene naknade u Zakonu.

Odjeljak B. - Platni razredi za određivanje plaća i naknada organa upravljanja iz nadležnosti Ministarstva zdravstva

Član 6.

(Platni razredi za određivanje plaće organa upravljanja iz nadležnosti Ministarstva zdravstva)
Platni razredi prema kriterijima iz člana 2. stav (1) tačka a) podtač. 1) i 2) ove uredbe za organe upravljanja iz nadležnosti Ministarstva zdravstva, razvrstavaju se na sljedeći način:

Platni razredi	Broj stalno zaposlenih	Koeficijent broja stalno zaposlenih	Godišnji ukupan prihod	Koeficijent godišnjeg ukupnog prihoda	Prosječan koeficijent
I	441 i više	1	54.000.000 i više	1	Prosječan koeficijent= (Koef. stalno zaposlenih + Koef. ukupnog god. prihoda)/2
II	371-440	0,97	47.000.001 - 54.000.000	0,97	
III	301-370	0,95	40.000.001 - 47.000.000	0,95	
IV	221-300	0,93	33.000.001 - 40.000.000	0,93	
V	150-220	0,90	26.000.001 - 33.000.000	0,90	
VI	101-149	0,85	19.000.001 - 26.000.000	0,85	
VII	71-100	0,80	12.000.001 - 19.000.000	0,80	
VIII	31-70	0,75	5.000.001 - 12.000.000	0,75	
IX	Do 30	0,70	Do 5.000.000	0,70	

Član 7.

(Prosječni koeficijent i visina plaće za organe upravljanja iz nadležnosti Ministarstva zdravstva)

- (1) Prosječni koeficijent iz člana 6. ove uredbe se određuje tako što se koeficijent broja stalno zaposlenih sabira sa koeficijentom godišnjeg ukupnog prihoda i dobiveni broj se dijeli sa brojem dva.
- (2) Visina plaće za direktora iz nadležnosti Ministarstva zdravstva se određuje na način da se prosječni koeficijent, utvrđen na način propisan u stavu (1) ovog člana, množi sa iznosom u visini tri prosječne neto plaće isplaćene u Federaciji Bosne i Hercegovine prema posljednjem objavljenom podatku Federalnog zavoda za statistiku.
- (3) Iznos koji se dobije na način propisan u stavu (2) ovog člana predstavlja visinu plaće direktora.
- (4) Visina plaće iz stava (2) ovog člana predstavlja osnovnu plaću direktora i ista ne može biti manja od iznosa osnovne plaće koju bi ostvario po važećem kolektivnom ugovoru.

Član 8.

(Naknade organima upravljanja iz nadležnosti Ministarstva zdravstva)

- (1) Predsjedniku i članovima upravnog odbora, nadzornog odbora i drugih organa naknade mogu iznositi:
 - a) predsjedniku 15% od utvrđene plaće prema čl. 6. i 7. ove uredbe, za direktora ili organa rukovođenja drugog naziva javne ustanove čiji je osnivač Kanton Sarajevo,
 - b) članovima ovih organa, naknada se umanjuje za 25% u odnosu na predsjednika.
- (2) Naknade iz stava (1) ovog člana ne mogu biti veće od maksimalno utvrđene naknade u Zakonu.

Odjeljak C. - Platni razredi za određivanje plaća i naknada organa upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša - oblast komunalne privrede i infrastrukture

Član 9.

(Platni razredi za određivanje plaće organa upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša – oblast komunalne privrede i infrastrukture)

Platni razredi prema kriterijima iz člana 2. stav (1) tačka a) podtač. 1) i 2) ove uredbe za organe upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša – oblast komunalne privrede i infrastrukture razvrstavaju se na sljedeći način:

Platni razredi	Broj stalno zaposlenih	Koeficijent broja stalno zaposlenih	Godišnji ukupan prihod	Koeficijent godišnjeg ukupnog prihoda	Prosječan koeficijent
I	501 i više	1	30.000.000 i više	1	Prosječan koeficijent= (Kof. stalno
II	301-500	0,97	10.000.001-30.000.000	0,97	

III	101-300	0,95	5.000.001-10.000.000	0,95	zaposlenih + Koef. ukupnog god. prihoda)/2
IV	0-100	0,93	Do 5.000.000	0,93	

Član 10.

(Prosječni koeficijent i visina plaće za organe upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša – oblast komunalne privrede i infrastrukture)

- (1) Prosječni koeficijent iz člana 9. ove uredbe se određuje tako što se koeficijent broja stalno zaposlenih sabira sa koeficijentom godišnjeg ukupnog prihoda i dobiveni broj se dijeli sa brojem dva.
- (2) Visina plaće za direktora iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša – oblast komunalne privrede i infrastrukture se određuje na način da se prosječni koeficijent, utvrđen na način propisan u stavu (1) ovog člana, množi sa iznosom u visini tri prosječne neto plaće isplaćene u Federaciji Bosne i Hercegovine prema posljednjem objavljenom podatku Federalnog zavoda za statistiku.
- (3) Iznos koji se dobije na način propisan u stavu (2) ovog člana predstavlja visinu plaće direktora.

Član 11.

(Naknade organima upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša – oblast komunalne privrede i infrastrukture)

- (1) Punomoćniku/punomoćnicima ovlaštenim od strane Vlade, predsjedniku i članovima upravnog odbora, nadzornog odbora i drugih organa naknade mogu iznositi:
 - a) punomoćniku/punomoćnicima ovlaštenim od strane Vlade, 15% od utvrđene plaće prema čl. 9. i 10. ove uredbe, za člana uprave kantonalnog javnog preduzeća,
 - b) predsjedniku upravnog i nadzornog odbora i drugih organa, 15% od utvrđene plaće prema čl. 9. i 10. ove uredbe, za člana uprave kantonalnog javnog preduzeća,
 - c) članovima upravnog, nadzornog odbora i drugih organa, naknada se umanjuje za 25% u odnosu na predsjednike tih organa.
- (2) Naknade iz stava (1) ovog člana ne mogu biti veće od maksimalno utvrđene naknade u Zakonu.

Odjeljak D. - Platni razredi za određivanje plaća i naknada organa upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša - oblast prostornog uređenja, građenja i zaštite okoliša

Član 12.

(Platni razredi za određivanje plaće organa upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša – oblast prostornog uređenja, građenja i zaštite okoliša)

Platni razredi prema kriterijima iz člana 2. stav (1) tačka b) podtač. 1), 2) i 3) ove uredbe za organe upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša – oblast prostornog uređenja, građenja i zaštite okoliša, razvrstavaju se na sljedeći način:

Platni razredi	Način finansiranja	Koeficijent načina finansiranja	Finansijsko poslovanje u posljednjih 5 godina	Koeficijent finansijskog poslovanja	Način poslovanja	Koeficijent načina poslovanja
I	Samostalno	1	Pozitivno	1	Tržišno poslovanje	1
II	Djelimično finansiranje iz Budžeta	0,90	Negativno i pozitivno	0,75	Tržišno i povlašteno poslovanje	0,90
III	Potpuno finansiranje iz Budžeta	0,80	Negativno	0,50	Povlašteno poslovanje	0,80

Član 13.

(Prosječni koeficijent i visina plaće za organe upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša – oblast prostornog uređenja, građenja i zaštite okoliša)

(1) Prosječni koeficijent iz člana 12. ove uredbe se određuje tako što se koeficijenti utvrđeni u članu 12. sabiraju, te se dobiveni broj dijeli sa brojem tri.

(2) Visina plaće za direktora iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša – oblast prostornog uređenja, građenja i zaštite okoliša se određuje na način da se prosječni koeficijent, utvrđen na način propisan u stavu (1) ovog člana, množi sa iznosom u visini tri prosječne neto plaće isplaćene u Federaciji Bosne i Hercegovine prema posljednjem objavljenom podatku Federalnog zavoda za statistiku.

(3) Iznos koji se dobije na način propisan u stavu (2) ovog člana predstavlja visinu plaće direktora.

Član 14.

(Naknade organima upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša – oblast prostornog uređenja, građenja i zaštite okoliša)

(1) Predsjedniku i članovima skupštine, upravnog odbora, nadzornog odbora i drugih organa naknade mogu iznositi:

a) predsjedniku 15% od utvrđene plaće prema čl. 12. i 13. ove uredbe, za člana uprave odnosno direktora,

b) članovima ovih organa, naknada se umanjuje za 25% u odnosu na predsjednika.

(2) Naknade iz stava (1) ovog člana ne mogu biti veće od maksimalno utvrđene naknade u Zakonu.

Odjeljak E. – Platni razredi za određivanje plaća i naknada organa upravljanja iz nadležnosti Ministarstva saobraćaja

Član 15.

(Platni razredi za određivanje plaće organa upravljanja iz nadležnosti Ministarstva saobraćaja)

Platni razredi prema kriterijima iz člana 2. stav (1) tačka a) podtač. 1) i 2) ove uredbe za organe upravljanja iz nadležnosti Ministarstva saobraćaja, razvrstavaju se na slijedeći način:

Platni razredi	Broj stalno zaposlenih	Koeficijent broja stalno zaposlenih	Godišnji ukupan prihod	Koeficijent godišnjeg ukupnog prihoda	Prosječan koeficijent
I	501 i više	1	30.000.000 i više	1	Prosječan koeficijent= (Koef. stalno zaposlenih + Koef. ukupnog god. prihoda)/2
II	301-500	0,97	10.000.001 - 30.000.000	0,97	
III	101-300	0,95	5.000.001.- 10.000.000	0,95	
IV	Do 100	0,93	Do 5.000.000	0,93	

Član 16.

(Prosječni koeficijent i visina plaće za organe upravljanja iz nadležnosti Ministarstva saobraćaja)

- (1) Prosječni koeficijent iz člana 15. ove uredbe se određuje tako što se koeficijent broja stalno zaposlenih sabira sa koeficijentom godišnjeg ukupnog prihoda i dobiveni broj se dijeli sa brojem dva.
- (2) Visina plaće za direktora iz nadležnosti Ministarstva saobraćaja se određuje na način da se prosječni koeficijent, utvrđen na način propisan u stavu (1) ovog člana, množi sa iznosom u visini tri prosječne neto plaće isplaćene u Federaciji Bosne i Hercegovine prema posljednjem objavljenom podatku Federalnog zavoda za statistiku.
- (3) Iznos koji se dobije na način propisan u stavu (2) ovog člana predstavlja visinu plaće direktora.

Član 17.

(Naknade organima upravljanja iz nadležnosti Ministarstva saobraćaja)

- (1) Punomoćniku/punomoćnicima ovlaštenim od strane Vlade, predsjedniku i članovima upravnog odbora, nadzornog odbora i drugih organa naknade mogu iznositi:
 - a) punomoćniku/punomoćnicima ovlaštenim od strane Vlade, 15% od utvrđene plaće prema čl. 15. i 16. ove uredbe, za člana uprave kantonalnog javnog preduzeća odnosno direktora,
 - b) predsjedniku upravnog i nadzornog odbora i drugih organa, 15% od utvrđene plaće prema čl. 15. i 16. ove uredbe, za člana uprave kantonalnog javnog preduzeća odnosno direktora,
 - c) članovima upravnog, nadzornog odbora i drugih organa, naknada se umanjuje za 25% u odnosu na punomoćnika/punomoćnike ovlaštene od strane Vlade.
- (2) Naknade iz stava (1) ovog člana ne mogu biti veće od maksimalno utvrđene naknade u Zakonu.

Odjeljak F. - Platni razredi za određivanje plaća i naknada organa upravljanja iz nadležnosti Ministarstva za rad, socijalnu politiku, raseljena lica i izbjeglice

Član 18.

(Platni razredi za određivanje plaće organa upravljanja iz nadležnosti Ministarstva za rad, socijalnu politiku, raseljena lica i izbjeglice)

Platni razredi prema kriterijima iz člana 2. stav (1) tačka d) podtač. 1), 2) i 3) ove uredbe za organe upravljanja iz nadležnosti Ministarstva za rad, socijalnu politiku, raseljena lica i izbjeglice, razvrstavaju se na sljedeći način:

a) u slučaju potpunog finansiranja ili sufinansiranja iz Budžeta Kantona Sarajevo, platni razredi se razvrstavaju na sljedeći način:

Platni razredi	Broj stalno zaposlenih	Koeficijent broja stalno zaposlenih	Godišnji ukupan prihod	Koeficijent godišnjeg ukupnog prihoda	Prosječan koeficijent
I	200-400	0,85	4.500.001,00 i više	0,85	Prosječan koeficijent= (Kof. stalno zaposlenih + Kof. ukupnog god. prihoda)/2
II	150-199	0,80	3.500.001,00 – 4.500.000,00	0,80	
III	90-149	0,77	2.500.001,00 – 3.500.000,00	0,77	
IV	30-89	0,75	500.000,00 – 2.500.000,00	0,75	

b) u slučaju samostalnog finansiranja, platni razredi se razvrstavaju na sljedeći način:

Platni razredi	Broj stalno zaposlenih	Koeficijent broja stalno zaposlenih	Godišnji ukupan prihod	Koeficijent godišnjeg ukupnog prihoda	Prosječan koeficijent
I	100 i više	1	40.000.000 i više	1	Prosječan koeficijent= (Kof. stalno zaposlenih + Kof. ukupnog god. prihoda)/2
II	Do 100	0,95	Do 40.000.000	0,95	

Član 19.

(Prosječni koeficijent i visina plaće za organe upravljanja iz nadležnosti Ministarstva za rad, socijalnu politiku, raseljena lica i izbjeglice)

(1) Prosječni koeficijent iz člana 18. tač. a) i b) ove uredbe se određuje tako što se koeficijent broja stalno zaposlenih sabira sa koeficijentom godišnjeg ukupnog prihoda i dobiveni broj se dijeli sa brojem dva.

(2) Visina plaće za direktora iz nadležnosti Ministarstva za rad, socijalnu politiku, raseljena lica i izbjeglice se određuje na način da se prosječni koeficijent, utvrđen na način propisan u stavu (1) ovog člana, množi sa iznosom u visini tri prosječne neto plaće isplaćene u Federaciji Bosne i Hercegovine prema posljednjem objavljenom podatku Federalnog zavoda za statistiku.

(3) Iznos koji se dobije na način propisan u stavu (2) ovog člana predstavlja visinu plaće direktora.

Član 20.

(Naknade organima upravljanja iz nadležnosti Ministarstva za rad, socijalnu politiku, raseljena lica i izbjeglice)

(1) Predsjedniku i članovima upravnog odbora, nadzornog odbora i drugih organa naknade mogu iznositi:

a) predsjedniku 13,85% od utvrđene plaće prema čl. 18. i 19. ove uredbe, za direktora javne ustanove iz oblasti socijalne zaštite,

b) članovima ovih organa 10,40% od utvrđene plaće prema čl. 18. i 19. ove uredbe, za direktora javne ustanove iz oblasti socijalne zaštite.

(2) Naknade iz stava (1) ovog člana ne mogu biti veće od maksimalno utvrđene naknade u Zakonu.

Odjeljak G. - Platni razredi za određivanje plaća i naknada organa upravljanja iz nadležnosti Ministarstva privrede

Član 21.

(Platni razredi za određivanje plaće organa upravljanja iz nadležnosti Ministarstva privrede) Platni razredi prema kriterijima iz člana 2. stav (1) tačka a) podtač. 1) i 2) ove uredbe za organe upravljanja iz nadležnosti Ministarstva privrede, razvrstavaju se na slijedeći način:

Platni razredi	Broj stalno zaposlenih	Koeficijent broja stalno zaposlenih	Godišnji ukupan prihod	Koeficijent godišnjeg ukupnog prihoda	Prosječan koeficijent
I	441 i više	1	54.000.000 i više	1	Prosječan koeficijent= (Kof. stalno zaposlenih + Kof. ukupnog god. prihoda)/2
II	371-440	0,97	47.000.001 - 54.000.000	0,97	
III	301-370	0,95	40.000.001 - 47.000.000	0,95	
IV	221-300	0,93	33.000.001 - 40.000.000	0,93	
V	150-220	0,90	26.000.001 - 33.000.000	0,90	
VI	101-149	0,85	19.000.001 - 26.000.000	0,85	
VII	71-100	0,80	12.000.001 - 19.000.000	0,80	
VIII	31-70	0,75	5.000.001 - 12.000.000	0,75	
IX	Do 30	0,70	Do 5.000.000	0,70	

Član 22.

(Prosječni koeficijent i visina plaće za organe upravljanja iz nadležnosti Ministarstva privrede)

(1) Prosječni koeficijent iz člana 21. ove uredbe se određuje tako što se koeficijent broja stalno zaposlenih sabira sa koeficijentom godišnjeg ukupnog prihoda i dobiveni broj se dijeli sa brojem dva.

(2) Visina plaće za direktora iz nadležnosti Ministarstva privrede se određuje na način da se prosječni koeficijent, utvrđen na način propisan u stavu (1) ovog člana, množi sa iznosom u visini tri prosječne neto plaće isplaćene u Federaciji Bosne i Hercegovine prema posljednjem objavljenom podatku Federalnog zavoda za statistiku.

(3) Iznos koji se na način propisan u stavu (2) ovog člana predstavlja visinu plaće direktora.

Član 23.

(Naknade organima upravljanja iz nadležnosti Ministarstva privrede)

(1) Punomoćniku/punomoćnicima ovlaštenim od strane Vlade, predsjedniku i članovima upravnog odbora, nadzornog odbora i drugih organa naknade mogu iznositi:

a) punomoćniku/punomoćnicima ovlaštenim od strane Vlade, 15% od utvrđene plaće prema čl. 21. i 22. ove uredbe, za člana uprave institucije Kantona Sarajevo, uprave kantonalnog javnog preduzeća, odnosno direktora ili organa rukovođenja drugog naziva javne ustanove čiji je osnivač Kanton Sarajevo,

b) predsjedniku upravnog i nadzornog odbora i drugih organa, 15% od utvrđene plaće prema čl. 21. i 22. ove uredbe, za člana uprave institucije Kantona Sarajevo, uprave kantonalnog javnog preduzeća, odnosno direktora ili organa rukovođenja drugog naziva javne ustanove čiji je osnivač Kanton Sarajevo,

c) članovima upravnog i nadzornog odbora i drugih organa, naknada se umanjuje za 25% u odnosu na predsjednike tih organa.

(2) Naknade iz stava (1) ovog člana ne mogu biti veće od maksimalno utvrđene naknade u Zakonu.

Odjeljak H. - Platni razredi za određivanje plaća i naknada organa upravljanja iz nadležnosti Ministarstva za odgoj i obrazovanje

Član 24.

(Platni razredi za određivanje plaće organa upravljanja iz nadležnosti Ministarstva za odgoj i obrazovanje)

Platni razredi prema kriterijima iz člana 2. stav (1) tačka c) podtač. 1) i 2) ove uredbe za organe upravljanja iz nadležnosti Ministarstva za odgoj i obrazovanje, razvrstavaju se na sljedeći način:

Platni razredi	Broj stalno zaposlenih	Koeficijent broja stalno zaposlenih	Godišnji ukupan prihod	Koeficijent godišnjeg ukupnog prihoda	Prosječan koeficijent
I	401 i više	0,50	12.000.00 i više	0,56	Prosječan koeficijent= (Kof. stalno zaposlenih + Kof. ukupnog god. prihoda)/2
II	21-400	0,48	400.001-11.999.999	0,55	
III	Do 20	0,40	Do 400.000	0,50	

Član 25.

(Prosječni koeficijent i visina plaće za organe upravljanja iz nadležnosti Ministarstva za odgoj i obrazovanje)

(1) Prosječni koeficijent iz člana 24. ove uredbe se određuje tako što se koeficijent broja stalno zaposlenih sabira sa koeficijentom godišnjeg ukupnog prihoda i dobiveni broj se dijeli sa brojem dva.

(2) Visina plaće direktora iz nadležnosti Ministarstva za odgoj i obrazovanje se određuje na način da se prosječni koeficijent, utvrđen na način propisan u stavu (1) ovog člana, množi sa

iznosom u visini tri prosječne neto plaće isplaćene u Federaciji Bosne i Hercegovine prema posljednjem objavljenom podatku Federalnog zavoda za statistiku.

(3) Iznos koji se dobije na način propisan u stavu (2) ovog člana predstavlja visinu plaće direktora.

(4) Izuzetno od stava (2) ovog člana, direktoru Javne ustanove „Institut za razvoj preduniverzitetskog obrazovanja Kantona Sarajevo“, utvrđuje se osnovni koeficijent 6,9 a osnovica plaće je identična osnovici plaće državnih službenika i namještenika u Ministarstvu za odgoj i obrazovanje Kantona Sarajevo, a što se utvrđuje internim aktom Ustanove kojim se uređuju plaće i naknade zaposlenih.

Član 26.

(Naknade organima upravljanja iz nadležnosti Ministarstva za odgoj i obrazovanje)

(1) Predsjedniku i članovima upravnog odbora i nadzornog odbora, odnosno predsjedniku i članovima školskog odbora osnovnih i srednjih škola kao javnih ustanova, ne pripada naknada, iz razloga što se ove dužnosti obavljaju na dobrovoljnoj osnovi i bez naknade.

(2) Odredbe iz stava (1) ovog člana primjenjuju se i na Javnu ustanovu "Djeca Sarajeva".

(3) Izuzetno predsjedniku i članovima upravnog i nadzornog odbora Javne ustanove „Institut za razvoj preduniverzitetskog obrazovanja Kantona Sarajevo“, isplaćuje se naknada za rad u fiksnom iznosu od 250,00 KM, shodno Odluci Vlade Kantona Sarajevo.

Odjeljak I. - Platni razredi za određivanje plaća i naknada organa upravljanja iz nadležnosti Ministarstva za nauku, visoko obrazovanje i mlade

Član 27.

(Platni razredi za određivanje plaće organa upravljanja iz nadležnosti Ministarstva za nauku, visoko obrazovanje i mlade-Univerzitet u Sarajevu, članice Univerziteta u Sarajevu)
Platni razredi prema kriterijima iz člana 2. tačka c) podtač. 3) ove uredbe za organe upravljanja nadležnosti Ministarstva za nauku, visoko obrazovanje i mlade, razvrstavaju se na sljedeći način:

Platni razredi	Obim poslova i odgovornost za obavljanje dužnosti	Koeficijent na osnovu obima posla i odgovornosti za obavljanje dužnosti	Prosječan koeficijent
I	Rektor univerziteta	1,00	Prosječan koeficijent=tri prosječne plaće u FBiH x koeficijent
II	Dekan/direktor članice	1,00	

Član 28.

(Prosječni koeficijent i visina plaće za organe upravljanja iz nadležnosti Ministarstva za nauku, visoko obrazovanje i mlade-Univerzitet u Sarajevu, članice Univerziteta u Sarajevu)
(1) Prosječni koeficijent iz člana 27. ove uredbe se određuje tako što se za rektora Univerziteta u Sarajevu, dekana/direktora članice Univerziteta u Sarajevu, iznos u visini od tri prosječne neto plaće isplaćene u Federaciji Bosne i Hercegovine prema posljednjem objavljenom podatku Federalnog zavoda za statistiku množi sa koeficijentom na osnovu obima posla i odgovornosti za obavljanje dužnosti.

(2) Iznos koji se dobije, predstavlja visinu plaće rektora Univerziteta u Sarajevu, dekana/direktora članice Univerziteta u Sarajevu.

Član 29.

(Naknade organima upravljanja iz nadležnosti Ministarstva za nauku, visoko obrazovanje i mlade)

(1) Predsjedniku Upravnog odbora Univerziteta u Sarajevu utvrđuje se visina mjesečne naknade za rad u iznosu od 50% prosječne neto plaće isplaćene u Federaciji Bosne i Hercegovine prema posljednjem objavljenom podatku Federalnog zavoda za statistiku.

(2) Članovima Upravnog odbora Univerziteta u Sarajevu utvrđuje se visina mjesečne naknade za rad u iznosu od 40% prosječne isplaćene plaće u Federaciji Bosne i Hercegovine prema posljednjem objavljenom podatku Federalnog zavoda za statistiku.

(3) Izuzetno, predsjedniku Upravnog i Nadzornog odbora Javne ustanove „Studentski centar“ Sarajevo utvrđuje se mjesečna naknada za rad u iznosu od 350,00KM, a članovima Upravnog i Nadzornog odbora predsjedniku i članovima upravnog odbora i nadzornog odbora Javne ustanove "Studentski centar" Sarajevo, isplaćuje se naknada za rad u fiksnom iznosu od 300,00 KM.

Odjeljak J. - Platni razredi za određivanje plaća i naknada organa upravljanja iz nadležnosti Ministarstva kulture i sporta

Član 30.

(Platni razredi za određivanje plaće organa upravljanja iz nadležnosti Ministarstva kulture i sporta)

Platni razredi prema kriterijima iz člana 2. stav (1) tačka a) podtač. 1) i 2) ove uredbe za organe upravljanja iz nadležnosti Ministarstva za kulture i sporta, razvrstavaju se na slijedeći način:

Platni razredi	Broj stalno zaposlenih	Koeficijent broja stalno zaposlenih	Godišnji ukupan prihod	Koeficijent godišnjeg ukupnog prihoda	Prosječan koeficijent
I	1000 i više	1	50.000.000 i više	1	Prosječan koeficijent= (Kof. stalno zaposlenih + Kof. ukupnog god. prihoda)/2
II	600-999	0,95	40.000.001-50.000.000	0,95	
III	400-599	0,90	30.000.001-40.000.000	0,90	
IV	300-399	0,85	20.000.001-30.000.000	0,85	
V	200-299	0,80	10.000.001-20.000.000	0,80	
VI	171-199	0,75	5.000.001-10.000.000	0,65	
VII	Do 170	0,58	Do 5.000.000	0,60	

Član 31.

(Prosječni koeficijent i visina plaće za organe upravljanja iz nadležnosti Ministarstva kulture i sporta)

(1) Prosječni koeficijent iz člana 30. ove uredbe se određuje tako što se koeficijent broja stalno zaposlenih sabira sa koeficijentom godišnjeg ukupnog prihoda i dobiveni broj se dijeli sa brojem dva.

(2) Visina plaće za direktora iz nadležnosti Ministarstva kulture i sporta se određuje na način da se prosječni koeficijent, utvrđen na način propisan u stavu (1) ovog člana, množi sa iznosom u visini tri prosječne neto plaće isplaćene u Federaciji Bosne i Hercegovine prema posljednjem objavljenom podatku Federalnog zavoda za statistiku.

(3) Iznos koji se dobije na način propisan u stavu (2) ovog člana predstavlja visinu plaće direktora.

Član 32.

(Naknade organima upravljanja iz nadležnosti Ministarstva kulture i sporta)

(1) Predsjedniku i članovima upravnog odbora, nadzornog odbora i drugih organa naknade mogu iznositi:

a) predsjedniku 13,38% od utvrđene plaće prema čl. 30. i 31. ove uredbe, za direktora javne ustanove iz oblasti kulture i sporta,

b) članovima ovih organa 10,40% od utvrđene plaće prema čl. 30. i 31. ove uredbe, za direktora javne ustanove iz oblasti kulture i sporta.

(2) Naknade iz stava (1) ovog člana ne mogu biti veće od maksimalno utvrđene naknade u Zakonu.

Odjeljak K. - Platni razredi za određivanje plaća i naknada organa upravljanja iz nadležnosti Ministarstva za boračka pitanja

Član 33.

(Platni razredi za određivanje plaće organa upravljanja iz nadležnosti Ministarstva za boračka pitanja)

Platni razredi prema kriterijima iz člana 2. stav (1) tačka a) podtač. 1) i 2) ove uredbe za organe upravljanja iz nadležnosti Ministarstva za boračka pitanja, razvrstavaju se na slijedeći način:

Platni razredi	Broj stalno zaposlenih	Koeficijent broja stalno zaposlenih	Godišnji ukupan prihod	Koeficijent godišnjeg ukupnog prihoda	Prosječan koeficijent
I	201 i više	1,000	10.000.001 i više	1,000	Prosječan koeficijent= (Koef. stalno zaposlenih + Koef. ukupnog god. prihoda)/2
II	151-200	0,750	5.000.001.- 10.000.000	0,750	
III	Do 150	0,685	Do 5.000.000	0,685	

Član 34.

(Prosječni koeficijent i visina plaće za organe upravljanja iz nadležnosti Ministarstva za boračka pitanja)

- (1) Prosječni koeficijent iz člana 33. ove uredbe se određuje tako što se koeficijent broja stalno zaposlenih sabira sa koeficijentom godišnjeg ukupnog prihoda i dobiveni broj se dijeli sa brojem dva.
- (2) Visina plaće za direktora iz nadležnosti Ministarstva za boračka pitanja se određuje na način da se prosječni koeficijent, utvrđen na način propisan u stavu (1) ovog člana, množi sa iznosom u visini tri prosječne neto plaće isplaćene u Federaciji Bosne i Hercegovine prema posljednjem objavljenom podatku Federalnog zavoda za statistiku.
- (3) Iznos koji se dobije na način propisan u stavu (2) ovog člana predstavlja visinu plaće direktora.

Član 35.

(Naknade organima upravljanja iz nadležnosti Ministarstva za boračka pitanja)

- (1) Predsjedniku i članovima upravnog odbora, nadzornog odbora i drugih organa naknade mogu iznositi:
 - a) predsjedniku 17,53% od utvrđene plaće prema čl. 33. i 34. ove uredbe, za direktora iz oblasti boračkih pitanja,
 - b) članovima ovih organa 14,60% od utvrđene plaće prema čl. 33. i 34. ove uredbe iz oblasti boračkih pitanja. Ukoliko institucija iz oblasti boračkih pitanja ima samo upravni odbor ili samo nadzorni odbor, naknada iz stava (1) se uvećava za 20%.
- (2) Naknade iz st. (1) i (2) ovog člana ne mogu biti veće od maksimalno utvrđene naknade u Zakonu.

POGLAVLJE III – NADZOR I KAZNE ODREDBE

Član 36.

(Nadzor)

Nadzor nad provođenjem ove uredbe vrše resorna ministarstva, nadležna inspekcija rada i budžetska inspekcija, svako u okviru svoje nadležnosti.

Član 37.

(Prekršaj i kazna)

Novčanom kaznom od 3.000,00 do 5.000,00 KM, kazniće se za prekršaj odgovorno lice u pravnom licu ukoliko zaključi ugovor o plaći, odnosno mjesečnoj naknadi suprotno odredbama ove uredbe.

POGLAVLJE IV – PRIJELAZNE I ZAVRŠNE ODREDBE

Član 38.

(Usklađivanje akata)

(1) Institucije Kantona Sarajevo, kantonalna javna preduzeća i javne ustanove čiji je osnivač Kanton Sarajevo, na koje se odnose odredbe Zakona i ove uredbe, dužni su u roku od 90 dana

od dana donošenja ove uredbe, uskladiti svoje pravilnike i opće akte kojima se regulišu plaće i naknade organa upravljanja i drugih organa sa ovom uredbom.

(2) Organi iz stava (1) ovog člana, dužni su dostaviti primjerak pravilnika ili općeg akta iz stava

(1) ovog člana resornim ministarstvima, u roku od 15 dana od dana njihovog donošenja.

Član 39.

(Prestanak važenja ranije Uredbe)

Danom stupanja na snagu ove uredbe, prestaje da važi Uredba o određivanju visine plaća i naknada organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“, broj 41/16, 46/16 – Ispravka, 5/17, 50/17, 53/18 i 42/20).

Član 40.

(Stupanje na snagu)

Ova uredba stupa na snagu narednog dana od dana objavljivanja u „Službenim novinama Kantona Sarajevo“.

Broj,
Datum,
Sarajevo

PREMIJER
Nihad Uk

OBRAZLOŽENJE

I – PRAVNI OSNOV

Pravni osnov za donošenje ove uredbe sadržan je u članu 19. stav (2) Zakona o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“, broj 10/16) u kojem je propisano da će Vlada Kantona Sarajevo na bazi kriterija kao što su: broj zaposlenih, godišnji ukupan prihod, interes društva za djelatnost koju obavljaju, obim posla i odgovornosti za obavljanje dužnosti i drugih kriterija, donijeti uredbu kojom će sve institucije, javna preduzeća i javne ustanove iz članova 7., 8., 9., 10., 11. i 12. ovog zakona razvrstati u razrede kojima će biti definisana visina plaća i naknada organa upravljanja i rukovođenja u istim, te u članovima 26. i 28. stav (1) Zakona o Vladi Kantona Sarajevo („Službene novine Kantona Sarajevo“, broj 36/14-Novi prečišćeni tekst i 37/14-Ispravka), kojim je propisano da Vlada Kantona u ostvarivanju svojih nadležnosti utvrđenih ustavom donosi uredbe, odluke, rješenja i zaključke, kao i da Vlada Kantona Sarajevo uredbom uređuje najvažnija pitanja iz nadležnosti Vlade Kantona, da se bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave.

II – RAZLOZI DONOŠENJA

Razlog za donošenje Uredbe je usaglašavanje odredbi postojeće Uredbe o određivanju visine plaća i naknada organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo sa Zakonom o ministarstvima i drugim organima uprave Kantona Sarajevo („Službene novine Kantona Sarajevo“, broj 40/22). Naime, Skupština Kantona Sarajevo je na 55. Radnoj sjednici održanoj dana 04.10.2022. godine donijela Zakon o ministarstvima i drugim organima uprave Kantona Sarajevo, u kojem su u članu 6. Zakona utvrđena kantonalna ministarstva, te između ostalih Ministarstvo komunalne privrede, infrastrukture, prostornog uređenja, građenja i zaštite okoliša, Ministarstvo za odgoj i obrazovanje i Ministarstvo za nauku, visoko obrazovanje i mlade.

Prilikom izrade ove uredbe, Ministarstvo je uzelo u razmatranje ranije pristigle inicijative ministarstava, te je neke od njih inkorporiralo u tekst nacrtu Uredbe, kako slijedi:

1. Ministarstvo za odgoj i obrazovanje je u konsultacijama na prijedlog Uredbe o određivanju visine plaća i naknada organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo (veza akt broj: 11-05-02-2873-4/21 od 11.02.2022. godine) u konsultacijama iz 2022. godine, predložilo izmjenu koeficijenata u tabeli platnih razreda, na način kako je to inkorporirano u nacrtu Uredbe.

Ministarstvo je također u nacrtu Uredbe uvrstilo i prijedlog Ministarstva za odgoj i obrazovanje kojim se direktoru Javne ustanove Institut za razvoj preduniverzitetskog obrazovanja Kantona Sarajevo utvrđuje osnovni koeficijent 6,9 a osnovica plaće identična osnovici državnih službenika i namještenika u Ministarstvu za odgoj i obrazovanje Kantona Sarajevo, kao i da predsjedniku i članovima upravnog i nadzornog odbora Javne ustanove Institut za razvoj preduniverzitetskog obrazovanja Kantona Sarajevo se isplaćuje naknada za rad u fiksnom iznosu od 250,00 KM.

2. Ministarstvo za nauku, visoko obrazovanje i mlade, dostavilo je inicijativu, aktom broj: 27/03-02-45792-1/25 od 18.09.2025. godine, koja je u potpunosti inkorporirana u tekst nacrtu Uredbe.

3. Ministarstvo za rad, socijalnu politiku, raseljena lica i izbjeglice, dostavilo je inicijativu za izmjenu Uredbe o određivanju visine plaća i naknada organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo, aktom broj: 13-02/1-11-46804-1/24 od 11.10.2024. godine, kojom se predlaže izmjena člana 15.

Uredbe, u dijelu koji se odnosi na platne razrede za određivanje plaće organa upravljanja iz nadležnosti ovog ministarstva, a kako bi se omogućilo uvećanje plaće direktorima javnih ustanova iz oblasti socijalne zaštite.

Ministarstvo pravde i uprave je postupilo po navedenoj inicijativi, te je istu uputilo u dalju proceduru pribavljanja mišljenja Ministarstva finansija i Ureda za zakonodavstvo. Ministarstvo finansija se očitovalo o istom, tražeći analizu koja ukazuje da u narednim godinama izmjena navedene Uredbe po inicijativi Ministarstva za rad, socijalnu politiku, raseljena lica i izbjeglice neće zahtijevati dodatna sredstva u 2024. godini na pozicijama bruto plaća i naknada na budžetskim korisnicima Kantona Sarajevo za organe upravljanja iz nadležnosti Ministarstva za rad, socijalnu politiku, raseljena lica i izbjeglice, na koje se izmjene člana 15. Uredbe odnose.

Shodno navedenom mišljenju Ministarstva finansija, Ministarstvo pravde i uprave je uputilo akt, broj:03-04/1-04-47262-2/24 od 11.12.2024. godine, Ministarstvu za rad, socijalnu politiku, raseljena lica i izbjeglice, u kojem je dostavljeno mišljenje Ministarstva finansija i kojim je tražena navedena analiza. Ministarstvo za rad, socijalnu politiku, raseljena lica i izbjeglice, aktom broj:13-02/1-02-47262-3/25 od 21.07.2025. godine nije dostavilo analizu kako je Ministarstvo finansija navelo, već samo izjave o fiskalnoj procjeni na prijedlog Uredbe o izmjeni Uredbe o određivanju visine plaća i naknada organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo, za javne ustanove iz svoje nadležnosti.

Uzimajući u obzir da se radi o materiji koja se tiče više resora, ovo ministarstvo ne može samostalno, bez učešća ostalih ministarstava izraditi tekst Uredbe, te poziva sva ministarstva da uzmu učešće u konsultacijama, poštujući odredbe Zakona o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“, broj 10/16), u kojima je utvrđen pravni osnov za donošenje ove uredbe.

III – PRAVNA RJEŠENJA

POGLAVLJE I – OPĆE ODREDBE

Član 1. – ovim članom utvrđen je predmet uredbe.

Član 2. – ovim članom propisani su kriteriji za određivanje platnih razreda plaća i naknada.

POGLAVLJE II - PLATNI RAZREDI, PROSJEČNI KOEFICIJENT I VISINA PLAĆE I NAKNADE

Odjeljak A. - Platni razredi za određivanje plaća i naknada organa upravljanja iz nadležnosti Ministarstva pravde i uprave

Član 3. – ovim članom su propisani platni razredi za određivanje plaće organa upravljanja iz nadležnosti Ministarstva pravde i uprave.

Član 4. – ovim članom je propisan način utvrđivanja prosječnog koeficijenta i visine plaće za organe upravljanja iz nadležnosti Ministarstva pravde i uprave.

Član 5. – ovim članom propisane su naknade organima upravljanja iz nadležnosti Ministarstva pravde i uprave.

Odjeljak B. - Platni razredi za određivanje plaća i naknada organa upravljanja iz nadležnosti Ministarstva zdravstva

Član 6. – ovim članom su propisani platni razredi za određivanje plaće organa upravljanja iz nadležnosti Ministarstva zdravstva.

Član 7. - ovim članom je propisan način utvrđivanja prosječnog koeficijenta i visine plaće za organe upravljanja iz nadležnosti Ministarstva zdravstva.

Član 8.- ovim članom propisane su naknade organima upravljanja iz nadležnosti Ministarstva zdravstva.

Odjeljak C. - Platni razredi za određivanje plaća i naknada organa upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša - oblast komunalne privrede i infrastrukture

Član 9. – ovim članom propisani su platni razredi za određivanje plaće organa upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša – oblast komunalne privrede i infrastrukture.

Član 10. – ovim članom je propisan način utvrđivanja prosječnog koeficijenta i visine plaće za organe upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša – oblast komunalne privrede i infrastrukture.

Član 11. – ovim članom propisane su naknade organima upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša – oblast komunalne privrede i infrastrukture.

Odjeljak D. - Platni razredi za određivanje plaća i naknada organa upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša - oblast prostornog uređenja, građenja i zaštite okoliša

Član 12. – ovim članom propisani su platni razredi za određivanje plaće organa upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša – oblast prostornog uređenja, građenja i zaštite okoliša.

Član 13. – ovim članom je propisan način utvrđivanja prosječnog koeficijenta i visine plaće za organe upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša – oblast prostornog uređenja, građenja i zaštite okoliša.

Član 14. – ovim članom propisane su naknade organima upravljanja iz nadležnosti Ministarstva komunalne privrede, infrastrukture, prostornog uređenja, građenja i zaštite okoliša – oblast prostornog uređenja, građenja i zaštite okoliša.

Odjeljak E. – Platni razredi za određivanje plaća i naknada organa upravljanja iz nadležnosti Ministarstva saobraćaja

Član 15. – ovim članom propisani su platni razredi za određivanje plaće organa upravljanja iz nadležnosti Ministarstva saobraćaja.

Član 16. – ovim članom je propisan način utvrđivanja prosječnog koeficijenta i visine plaće za organe upravljanja iz nadležnosti Ministarstva saobraćaja.

Član 17. – ovim članom propisane su naknade organima upravljanja iz nadležnosti Ministarstva saobraćaja

Odjeljak F. - Platni razredi za određivanje plaća i naknada organa upravljanja iz nadležnosti Ministarstva za rad, socijalnu politiku, raseljena lica i izbjeglice

Član 18. – ovim članom propisani su platni razredi za određivanje plaće organa upravljanja iz nadležnosti Ministarstva za rad, socijalnu politiku, raseljena lica i izbjeglice.

Član 19. – ovim članom je propisan način utvrđivanja prosječnog koeficijenta i visine plaće za organe upravljanja iz nadležnosti Ministarstva za rad, socijalnu politiku, raseljena lica i izbjeglice.

Član 20. – ovim članom propisane su naknade organima upravljanja iz nadležnosti Ministarstva za rad, socijalnu politiku, raseljena lica i izbjeglice.

Odjeljak G. - Platni razredi za određivanje plaća i naknada organa upravljanja iz nadležnosti Ministarstva privrede

Član 21. – ovim članom propisani su platni razredi za određivanje plaće organa upravljanja iz nadležnosti Ministarstva privrede.

Član 22. – ovim članom je propisan način utvrđivanja prosječnog koeficijenta i visine plaće za organe upravljanja iz nadležnosti Ministarstva privrede.

Član 23. – ovim članom propisane su naknade organima upravljanja iz nadležnosti Ministarstva privrede.

Odjeljak H. - Platni razredi za određivanje plaća i naknada organa upravljanja iz nadležnosti Ministarstva za odgoj i obrazovanje

Član 24. – ovim članom propisani su platni razredi za određivanje plaće organa upravljanja iz nadležnosti Ministarstva za odgoj i obrazovanje.

Član 25. – ovim članom je propisan način utvrđivanja prosječnog koeficijenta i visine plaće za organe upravljanja iz nadležnosti Ministarstva za odgoj i obrazovanje

Član 26. – ovim članom propisane su naknade organima upravljanja iz nadležnosti Ministarstva za odgoj i obrazovanje.

Odjeljak I. - Platni razredi za određivanje plaća i naknada organa upravljanja iz nadležnosti Ministarstva za nauku, visoko obrazovanje i mlade

Član 27. – ovim članom propisani su platni razredi za određivanje plaće organa upravljanja iz nadležnosti Ministarstva za nauku, visoko obrazovanje i mlade-Univerzitet u Sarajevu, članice Univerziteta u Sarajevu.

Član 28. – ovim članom je propisan način utvrđivanja prosječnog koeficijenta i visine plaće za organe upravljanja iz nadležnosti Ministarstva za nauku, visoko obrazovanje i mlade -Univerzitet u Sarajevu, članice Univerziteta u Sarajevu

Član 29. – ovim članom propisane su naknade organima upravljanja iz nadležnosti Ministarstva za nauku, visoko obrazovanje i mlade.

Odjeljak J. - Platni razredi za određivanje plaća i naknada organa upravljanja iz nadležnosti Ministarstva kulture i sporta

Član 30. – ovim članom propisani su platni razredi za određivanje plaće organa upravljanja iz nadležnosti Ministarstva kulture i sporta.

Član 31. – ovim članom je propisan način utvrđivanja prosječnog koeficijenta i visine plaće za organe upravljanja iz nadležnosti Ministarstva kulture i sporta.

Član 32. – ovim članom propisane su naknade organima upravljanja iz nadležnosti Ministarstva kulture i sporta.

Odjeljak K. – Platni razredi za određivanje plaća i naknada organa upravljanja iz nadležnosti Ministarstva za boračka pitanja

Član 33. – ovim članom propisani su platni razredi za određivanje plaće organa upravljanja iz nadležnosti Ministarstva za boračka pitanja.

Član 34. – ovim članom je propisan način utvrđivanja prosječnog koeficijenta i visine plaće za organe upravljanja iz nadležnosti Ministarstva za boračka pitanja.

Član 35. – ovim članom propisane su naknade organima upravljanja iz nadležnosti Ministarstva za boračka pitanja.

POGLAVLJE III – NADZOR I KAZNENE ODREDBE

Član 36. – ovim članom propisan je nadzor nad primjenom ove uredbe.

Član 37. – ovim članom propisane su kaznene odredbe.

POGLAVLJE IV – PRIJELAZNE I ZAVRŠNE ODREDBE

Član 38. - ovim članom propisana je obaveza usklađivanje akata sa odredbama ove uredbe.

Član 39. – ovim članom propisan je prestanak važenja ranije uredbe.

Član 40. - ovim članom propisano je stupanje uredbe na snagu.